

4 Neony ne aorighwashon ne o-nowenda onkwadadenhokonhah thakwatyerenji waondaweyadanyon, wahondaweyade adaghseghdonkeh ne ne yonkhiyadennikenghrarane ji-niyakwatyerha yakwadadewenniyu ne ne yonkwayen ne Keristus Yesus, ne ne ne ayonkhinaghskonnyade:

5 Ne kady wakhi-nakdothaghse ne ne eghdakeh aondonny, yaghden, yahhenskat deyughwistaeh ji-naawe, ne ne orighwiyu ne orighwadokenghdy ne naondon ayurighwadatye okho-nenh ji-nayoghdon nise.

6 Nok ji-niyught notyake iyenghre othe-non ji-nikyadodenh, ji ok ony niyeyadodenh, yaghden nenne dekariwa niighneh: Niyoh engshakoye-na yalhonghka deyakaonkweda: ikenh ro-nonhha ne ne ronneghre wakyadaneghrakwaght anyoh ne dayeriwaren yahhothe-non dekariwa niighneh:

7 Nok thiyakorighwadejy, ne o-nenh waihontkaghtho ne-eh ne orighwadokenghdy ne ne arekho deyakoderighwakwarighsyonh ne ne iighneh waondennikonghrontyeghde, ji-niyawenhonh norighwadokenghdy ne ne nen-yakoderighwakwarighsyonh ronwathonde ne Kwiter;

8 (Ikenh raonhha ne ne royudenghse kashatstenghserananonh raonhhatserakonh ne Kwiter ne shakathonweh ne rodiyadadokenghdy ne ne nen-nen-yakoderighwakwarighsyonh, ne shakat kady nakeshatstenghsera neghnonkadighkonh ji-nonka Nyaghdehhodirighwiyughstonh:)

9 Neony ne o-nenh ne *James*, *Cephas*, nok *John*, ro-nonhha aniyught anyoh o-nawaadaokon, yukendaonh ne kendenrat ne na nyonkwawyh niighneh, yonkwawyh wahhy nokhony ne *Barnabas* jiradiweyendeghdaghkonh radisonkeh ne yatyakwatyeghste shaonkwariwat ondon; nenkady kenniyenyakwe jinonka nyaghdehtyakorighwiyughstonh, nok rononha ne ro-nonhhakeh ne ro-naderighwakwarighsyonh.

10 Ne ok ne kenkayen en-yakhiyeghyarake ne yakodenght; ne shakat ji-nahhoden ony niih ji-nikaweyennendaonh neghnenkyere.

11 Nok o-nenh shiyahharawe ne Kwiter etho *Antioch* I-ih eghwathidase jirakonghsonde, aoriwa jiwahhonwahighwaeghsten.